

新刻羣音類選

新刻羣音類選卷十六

虎林 胡氏 文會堂 校選

金環記

花園邂逅

駐雲飛春景繁華、倦繡停鍼來看花、移步花陰下、行  
過荼蘼架、荼亂卉翦雲霞、香清檀麝、萬紫千紅、粧點  
春無價、可愛園林景最佳、前腔、輕薄楊花、飛入園亭  
亂似麻、隨舞風飄耍、怎把身沾惹、茶看取海棠花、妖  
嬈如畫、一朵紅英、獨自開臺榭、國色天姿絕點瑕

釵釧記

遺婢訂約

傍粧臺無語畫樓栖見暮雲天外嚶嚶雁聲悲猛聽  
得金砧韻他那裡搗寒衣倦翔寡鵠隨雲沒驚睡鴛  
鴦踏水飛合清秋時緒自覺慘悽教人消瘦減香肌  
前腔沉吟獨倚遍窓圍見芙蓉江上含雨濕胭脂猛  
聽得笙歌沸他那裡有玉人歸傷心懶把菱花照玩  
物慵將鍼線提合前

大迓鼓非奴心意偏怕綢常倫理一旦乖蹇况兼他  
才學非痴偃又是喬木名家奕世傳合這段姻緣實  
難改遷前腔姻緣雖在天但他眼前貧困誰不輕賤

料想他們非分淺、爾又是金石同盟志益堅、合前

使女傳約

一江風景淒淒、觸目傷心處、楓葉飄飄墜、篋無資、旅食無魚、埋沒了馮驩志、金風透玉肌、金風透玉肌、身披絺綌衣、柰梧桐雨過愁千縷、

賺抹轉街衢、蓮步忙移不敢遲、芹宮裡、揚聲吐氣進門閭、是伊誰、不知為甚來家裡、敢問娘行是阿誰、聽咨啓、奴是史門侍女來傳語、望勿疑忌、望勿疑忌、前腔有失迎趨、何事勞卿顧草廬、來傳語、有樞密求親改嫁伊、親家處、緣何變亂綱常禮、擬定姻緣難改移、

逆倫義只因家貧受侮遭輕覷你且免嗔聽啓免嗔  
聽啓解三醒俺小姐為伊憂慮想你囊無半點餘資  
約中秋十五夜到花園內要贈爾寶和珠若得我賢  
哉媳婦存節志多管是家門積慶餘合吾私喜吾私  
喜怎能勾佳兒佳婦同奉甘肥光光乍安人聽咨啓  
你且莫意躊躇教他莫向人前通私語合倘泄漏風  
聲難成濟前腔一言牢記取至囑我孩兒臨期悄地  
尋踪入合前尾聲謝卿卿來點指擡身移步拜辭歸  
只恐娘行等久時

風入松肥甘缺奉我親幃衰顏白髮須知曾參善養

銘心記何日得同諧鴛侶甚日得赴試彤庭盡孝全  
忠兼美臣子道兩無虧

好姐姐試聽妻家有人約中秋將金相贈伊須前去  
休教辜此情合成歡慶賢哉懿婦生怜憫期待身榮  
報大恩前腔孩兒秉心致誠柰點額孝心未盡感賢  
妻怜恤密約贈我金合前

使女覆命

三郎神聽伊語心似麻俄然泪灑誰念你孤貧形影  
寡你那知我芳心瑩潔無瑕聽玉漏聲催懶去臥却  
不耽閣人施恩惠也你休聒我何心戀看賞玩教人

恨着嫦娥前腔堪誇你嬌妖淑質真烈非假你只念  
着荆釵心未妥我是塵凡女怎學得瓊苑仙葩他為  
你瘦損容顏無奈何況教子勤勞自固你且看着那  
書生勤勞經史終有發奮騰達貓兒墜尋思他母子  
使我又添嗟飽學書生未奮達致令人哂慢儒家嗟  
呀告蒼天愿早掛荷衣名題雁塔前腔聽麗樵頻促  
不覺已三過看斗轉參橫月影斜想他否極還泰必  
榮華休嗟終有日母子夫妻共樂無涯尾聲氣清處  
銀河瀉譙鼓咚咚又四下數盡更籌未睡也

書館露機

降黃龍禹夏商周二帝三皇聖聖相繼皋陶伊尹皋  
陶伊尹傳說周公是輔弼王臣詳論帝堯置曆神禹  
治水萬世沾恩尚書內良臣聖主同道同心前腔易  
經伏羲畫卦文王繫辭孔子象形爻辭小象爻辭小  
象開示蘊奧周孔叮嚀涵泳乾坎艮震巽離坤兌八  
卦攸分易書內探微闡幽難察難精滾你心虛識見  
廣我志窄知機少若非藥石言險被人傾勦祖宗積  
慶皇天有道蒙指教不遭謀見計高前腔忝與幼同  
學契結非一朝患難當扶持方盡朋友道你且藏踪  
隱跡他敢別調寫情詞告官府管同諧老尾聲這場



姻事非輕小、萬金軀被人欺、直待紫閣名登、方把  
此讐報、

誤投釵釧

梁州序 碧天霞落、長空雲斂、一片冰輪舒展、藍橋亭  
畔、乘槎擬約同歡、只見銀涵華屋、涼透香肌、露濕闌  
杆、冷夜深苔更滑、步輕款、月到天心、分外圓、合情懷  
暢、心慵懶、向朱扉綉戶、閑凭遍、清意趣、少人見、前腔  
蟾明簾幙、桂香宮殿、萬頃流霞光泛、瑤池仙侶、撩雲  
撥霧同歡、只見爛斑珠斗、清淺銀河、縹渺江山、遠起  
舞弄清影、不勝寒、月轉西樓人未圓、合前前腔告官

人聽啓奴言、因何事顧遲姻眷、我娘行思念、姑已衰  
年、多謝得卿卿、怜念若得週全、此事恩非淺、一鞍還  
一馬、怎肯再移天、你及早催親、莫滯延、合前前腔小  
亭中、驀見嬋娟、頓教人情牽心亂、和你對月明、作証  
鳳倒鸞顛、只見玉簫三弄、烏鵲雙飛、良夜情無限、他  
操持賢與節、使我好羞慚、却作南柯一夢圓、合前節  
節高嫦娥愛少年、把玉輪輾乘風飛下、離瓊苑、神仙  
眷、鸞鳳翩、雨雲亂、慙慙自覺情留戀、蓬萊閨苑真堪  
羨、只恐相逢似夢中、別時不久重相見、前腔空勞到  
此間、好姻緣、涼亭一會空留戀、辭仙眷、眼望穿、口空

燕看他齊齊整整烏雲鈿，婷婷嫋嫋芙蓉臉，果是相逢似夢中，別時怎得重相見。  
（尾聲）今宵悞入天台院，好姻緣番作惡姻緣，我使盡心機都枉然。

### 使女催婚

（入破）小姐命奴問取安人，何不行婚禮，使他心中憂慮。這段姻親為窘迫無週備，朝想暮思，承望吾兒名遂方行娶。你小姐不知是何意，我那日來約你秀才親到花園內安人，你何故心瞞昧。爾休誑言，我兒行鑽穴踰牆決不為，不是賢郎是阿誰。  
（滾）聽汝言詞聽汝言詞，我盡知你暗地施謀計，為改嫁樞密，為改嫁。

樞密要悔親賺吾兒兒若來時命難存矣那晚園中  
那晚園中他覲面夫妻相會憐乏聘釵釧白銀一一  
付與前腔又說卽日成親又說卽日成親到如今好  
意番成惡意他節操堅持他節操堅持遺二天損名  
譽只是枉費他心只是枉費他心不能全節義你姦  
騙錢財你可閑聒甚的尾聲你休得浪把言相對設  
機謀造言生事湛湛青天不可欺

復命題詩

稱人心山盟虛誑月下恩情撒樣到園亭贈伊財物  
都不想君子輩小人行教人懸望他母子如何說向

那安人瞞心昧已盡胡言反說你要配國相賺他行  
後園謀取他說那晚間何曾趨往（紅衫兒）聽伊語心  
痛傷薄倖才郎頓使奴懊恨空教人妄想只為愛富  
嫌貧把我名節損傷你休得要埋怨爹行恨只恨寒  
儒不良（醉太平）惆悵心中自想枉教人使盡柔腸怎  
不學荀粲番做了王魁義負盟忘思量不如一命喪  
長江免得把青蠅來玷休得惆悵他負心爾且空從  
順爹娘

（江頭金桂）寫罷新詩愁悶不由人泪暗傾教奴怎做  
蕩婦為此遣妾傳音只為綱常不亂倫和你月下同

情相逢有幸、你受了白銀釵釧、面喻催親、誰知他那  
裡爽舊盟、嘆寒儒薄行、嘆寒儒薄行、何當福分、豈不  
玷污了賢名、到如今、猛拚一命歸黃土、畱取丹心照  
汗青、前腔非是我悖違家訓、只為堅操不易心、是你  
貪榮、要改嫁、將奴凌併、誓死也難從命、若待嫁歸公  
卿、怕人評論、你不猜疑、着我仍遣我嫁書生、那時節  
依然兩箇歸畫屏、椿萱老景、椿萱老景、怎忍拋浪惹  
得萬里傳聲、正是視死輕如羽、須信綱常抵萬金、

碧桃投江

綿搭絮夜深風冷、天氣正愁人、潛出香閨無語、傷情

暗泪零、步難行、院宇深沉、奴有一腔心事、誰與我支  
分、想只是命運遭逢、做了雨打梨花深閉門、前腔輕  
輕悄悄、離了家庭、只慮我的椿萱年老、無兒少嗣、承  
非是我負親恩、只為處事無憑、怎教我做失節之女、  
敗壞彝倫、不如身喪江心、畱取芳名萬世稱、香柳娘  
見波濤戰驚、見波濤戰驚、泪沾脂粉、紅顏自古多薄  
命、恨兒夫負恩、恨兒夫負恩、脫賺背前盟、使我將身  
赴波濤、拚魚腹喪身、拚魚腹喪身、跳入滄津、免傷人  
嘲論、臨江仙、心戚戚、泪漣漣、堅貞不敢再移天、慙慙  
囑付東流水、斷送我香魂返故園、

母氏送飯

(園林好)為家貧身無所倚論三餐不能度日焉有餘  
資囑寄望怜憫感恩德望憐憫感恩德(前腔)痛孩兒  
銜冤負屈日三餐教我衰年怎擺撥這苦向誰人分  
說懸腸膽痛悲咽懸腸膽痛悲咽(江兒水)望你行方  
便乞恕責你只可憐我娘兒孤苦無投說兒在獄中  
愁腸結娘又在此添淒切對面相逢隔絕望乞慈悲  
免把我天倫恩滅(玉交枝)兒遭冤厄受鞭撻如何捱  
得單寒身已拘縲綫這一匙麥飯充饑你蓬頭垢面  
受苛責我的肝腸寸寸如刀擊(合)這痛苦誰人可惜



這冤屈甚人可釋。前腔愁舒洎息。我是不孝子罪深惡極。三牲五鼎無承奉。反教娘受萬般悲戚。我不能效三遷孟母慈。致令兒有遭刑日。合前江兒水叫得我心如刺。珠淚滴。誰知道生擦擦半路在圉圉拆。你死教娘如何立。頓教我戰戰驚驚。含怨西風泣痛念你衰年孤隻。我不久身亡。怎把你劬勞報得。香柳娘看悲啼可惜。看悲啼可惜。母孤子隻。逢人陷害冤深極。使我惻隱心。汨滴惻隱心。汨滴你去伸訴與欽差。必定有明白。謝監牢指明。謝監牢指明。倘御筆聚青蠅。兒罪可驅滌。

得見釵釧

紅衲襖為甚的喜春容笑滿腮為甚的語言中恁瀟  
灑莫不是加官進爵橫金帶莫不是捧黃麻又命差  
念孩兒鎮日裡愁眉黛守節居孀有何喜來吾家舊  
物何從也我為此釵兒起禍胎前腔節守空閨鎮  
日棲遲流水無情花自飛兒志堅貞自守貧賤難移  
今朝釵釧惹閑非痛隔天涯老景雙親相見稀今朝  
覩物更添悲恨殺兒夫施短行恩情間阻骨肉離節  
義兩無虧不必嗟吁當年月下是喬儒時忠韓姓今  
拘罪適我方知

東甌令伊夫壻受顛連汝父聞官遭極冤恤刑究出真情也况又科甲喜名聯今朝釵釧喜重圓終身不娶義兼全  
前腔夫忠義婦貞堅白璧一雙無玷染舒懷休把眉顰  
慶合浦喜珠完今朝骨肉喜團圓端的好姻緣劉  
潑帽心中悄悄思量遍又恐他負却前緣教人展轉  
生悲怨合從此免熬煎管復取延平劍前腔華堂疾  
速開佳宴請若水學士臨筵通謀便可諧姻眷合前  
鮫綃記

瓊英閒步

倚粧臺轉重闌惱人餘暑步慵移常如醉原非酒凝

是病、又難醫、遊絲白日悠揚裡、乳燕歸巢對語時、心  
休飄蕩、言不可追、雕籠鸚鵡近香閨、前腔一燈風雨  
照書幃、半床殘夢、都付與五更雞、秋信早、蛩先語、銀  
河遠、鵲橋飛、人間獨客無知己、天上雙星有會期、潘  
郎銷粉、沈腰減圍、并刀難斷藕心絲、入賺簾幙低垂、  
人靜花深、晝漏稀、朱門啓、獸爐香、鵲臥金猊、覩尊儀、  
風搖碧縷、茶烟細、玉碗香浮、穀雨旗、枕方兒、海棠枝  
上初分蕊、果然精製、果然精製、解三醒論人生陰陽  
定位、有清濁、動靜之機、閨門模範、宗烈女、敦風化、重  
倫彝、人之節義、非小事、玉價連城、不可疵、合親鍼指、

嘆光陰易去、花影頻移、前腔二典三謨、雖不解、四德  
三從、尊母儀、磨穿鐵硯、非吾事、主中饋、奉宗祀、絲蘿  
訂盟休掛慮、甘旨關心、暮景時、合前尾聲重門鎖鑰  
深深閉、隔斷紅塵十里、任取東風檻外吹、

成婚被拿

排歌附木絲蘿連雲鳳、儔恍然身在瀛洲、斑衣還向  
客囊收、屏雀初開、日影浮、合催秦拍、因楚嘔、月中簫  
管鳳凰樓、誇冰玉會女牛、銀河一帶水、悠悠、前腔身  
案良緣、登雲勝遊、工容未解、藏羞、椿萱眉壽正高秋、  
井臼躬操、賦白頭、合前前腔柳絮才高、梅花賦優、瑩

然玉瓚黃流、溫臺已遂、室家謀、班筆須從盛世投。  
**合**  
**前腔** 喜遇中郎、何愁鄧攸、書香可紹前修、碧桃花  
下促行騶、紅杏香中躍紫騶。  
**合前**

**賺** 嚴整戈矛、駕上差來似虎彪、殺人大事你同謀、住  
行騶、一家骨肉難分手、拔下金釵可買求、好胡謔、朝  
廷欽限分時候、急忙擒走、急忙擒走、**皂角兒** 你父親  
遭人毒手、惡狠狠不容分割、享膏粱力怯體柔、怎當  
得峻刑鞠究、細思量、腸割斷、淚空流、難搭救、老天相  
祐、**合** 風吹雲散、兔隨鷹走、嘆人生霎時興廢、水面浮  
漚、**前腔** 孤獨弱息女流、只落得泪珠沾袖、怎做得

殞身報仇、心上火肺肝、燃透禁門深、衣石甃、析聲喧、  
譙角奏、怎生消受、合前尾聲、平空霹靂、顛風吼、好似  
刀鋒利口、割斷心腸寸寸愁、

大理枉鞠

山坡羊、念從道襄陽住居、丙戌科叨登進士、蒙聖旨  
除臨安府官、蒞政事三年許、忝舊知、瓊英配小兒、欲  
諧秦晉、只為家狼狽、遣子求親、再無他意、合詳推望  
光生腐草餘、傷悲這冤屈、天地知、前腔念小人曾登  
甲第、不授官、隱居田里、問寒暄、兼趨義方、在家下三  
年矣、屢請期、這人情怎順依、他因不就、生惡意、他平

地生波、駕空設計、合前前腔念小人二十三歲、到外  
家趨庭學禮、那鉏耒觸槐殞身、那豫讓還挾匕、我本  
為一腐儒、這逆天事怎敢為、徒然打死成何濟、吐盡  
真言、從伊區處、合前前腔老親家你箕裘無繼、我孩  
兒方剛血氣、論區區一葉此身、就死也無他慮、不合  
遣小兒同謀刺那厮、他兩人不得如吾意、罪當情真、  
法難以避、合前

典刑遇赦

五更轉、事到頭何須怨、這行藏都在天、含冤負屈遭  
刑憲、你若得還鄉、恩仇須辨、你途路上早晚間、恐有



人謀陷、**合**思量到此腸應斷、死別生離、東流不轉、**前**  
**腔**日近午、心攢箭、說不盡衷腸事萬千、一生父子、止  
有今日面、少刻之間、再難相見、生不事、死不葬、為我  
遭誣陷、**合前**

憶多嬌、頭似折、毛孔裂、皮膚寸寸如火熱、七魄三魂  
俱耗攝、**合**戶盡門滅、戶盡門滅、這段冤仇、怎雪、**前腔**  
難擺撥、珠泪竭、叫天不應、喉閉咽、救父無門、心迸血  
**合前**鬪黑麻、我死刀鋒、霎時氣絕、羅網難逃、千磨萬  
折、冤屈事、向誰說、子去從軍、父遭取決、**合**泰山崩裂、  
海枯塵土結、霧漫青天、不分日月、**前腔**父子恩情、膠

濃火熱對眼睜睜、怎生棄撇、誰收取、而曹血、死不餘  
屍、地無葬穴、合前

山坡羊、步難移、心驚肉戰、眼昏花、天番地轉、深恩再  
結來生愿、吾生恐不能久延、路幾千、盤纏無半錢、軍  
中禍福、不測風雲變、父子東西、再難相見、免憂煎、且  
隨時度暮年、憂煎、未來事皆在天、

晚婚傷氣

青衲襖、登着百尺樓、方覺星斗寒、坐在春風中、始慚  
窺豹管、漢文章未必稱劉向、晉蒼生誰不仰謝玄、枳  
棘樹豈能栖鳳鸞、紅雨後、蛟龍騰碧漢、前席終須侍

帝王（前腔）我也曾向日邊拂着紅杏看我也曾肅鸛  
行趨御仗我也曾騎驄馬傾人膽我也曾邁彝倫頂  
着鐵豸冠辟奸邪扣陛陳膚諫貶遐荒豈能濯肺肝  
我利器盤根始見難（前腔）我也曾冒風霜提兵夜渡  
關我也曾望狼烟吐哺朝持戰受盡苦中苦難上難  
俺是將門種今做官上官武陵隔斷人難見鵲橋高  
秋信遠欲借婚書月下觀（前腔）你歸王化全不知律  
法嚴你違法度把風俗變我一管筆不換你千金劍  
我三寸舌猶勝你百世官敗軍將自能持節憲面金  
鑾親把黑白辨湛湛難欺頭上天

慶壽搶燈

絳黃龍華誕元宵月滿星稀碧空雲渺燈輝燭燦看  
人間天上瑞烟飛遶鮫綃冰壺織就聊致春暉寸草  
合仰丘山雲開南極壽星高照前腔彌高福壽滔滔  
功業巍巍可追伊呂丹青小畫致微忱供獻碧山元  
老堪描東都方朔曾偷三度蟠桃合前前腔囉為交白  
髮蕭蕭齊眉舉案百年諧老雖居遐寓對壺觴不覺  
頓開懷抱簫韶南山飛曲鶴駕可通蓬島合前前腔何勞  
惠我瓊瑤慚愧庸迂孔融難效同趨歸計那時節重  
見故山華表休焦否極還泰閑情多付村醪合前滾

奇山駕海鰲、奇山駕海鰲、信息傳青鳥、雜錦奇絲、奪  
盡人間巧、樂處傷悲、不由悲悼、人別後、竟不歸、春又  
到、前腔休將玉筯拋、休將玉筯拋、且把愁眉掃、四美  
難并、對月同歡笑、月缺還圓、陰晴難料、千萬事、付醉  
鄉、都忘了、前腔清光此夜皎、清光此夜皎、燈市人喧  
鬧、聽鼙鼓、駢闐樂奏、鶯聲巧、惟願年年、燈花人貌、歌  
壽曲、唱新詞、翻別調、前腔清光炫錦袍、清光炫錦袍、  
彩色侵庭燎、歌舞畱人、何處雞聲早、銀海模糊、玉山  
顛倒、榮與辱、數在天、何足較、尾聲故違軍法、欺權要、  
今日落吾圈套、律法須知有正條、

鮫綃會合

普天樂元宵禁約嚴巡捕遵號令皆安堵這驛丞玩侮法度鰲山彩仗盈途玩賞花燈燃烟火騷動居民奔男婦動狼烟豈不招虜通倭那時節招兵起禍那鰲山見在乞禁跋扈前腔元戎乞賜停威怒擯秦檜遭遷播恃兵權違法可惡瓊英頗有規模容貌關心生烈火陷入機關身摧故那芳年豈肯逐浪隨波尼姑寺裡栖身脫躲把鮫綃異物乘勢劫虜

大聖樂無限事萬千憂愁向東風付水流若非仗義驅猿猴饑鷹難脫手中鞬若不做綠珠墮閣香肌朽

必去抱石投江隨浪走成歡偶把瑤琴錦瑟律呂重  
奏前腔罄餘囊一似虛舟奉藜藿給歲謀他只為天  
涯影分鸞鳳友為君家信斷鴈鴻秋終日裡形孤影  
寡雙眉皺到今日天付良緣重聚首

步步嬌奸雄設計遭顛覆向邊塞親甲冑誰想尊翁  
地下遊窮途母子勞相守合萍踪浪跡幾沉浮故鄉  
有路重回首前腔家君極溺扶衰朽不避險祛夷寇  
豐城劍合氣橫秋樂昌鏡在光依舊合前黃鶯兒設  
意害孤囚轉陽和回大手黃金印賜懸如斗威傾虎  
彪氣沖斗牛幽居寂寞難消受合泪盈眸今朝會合

喚起舊時愁、前腔駟馬下神州、向金門、拜冕旒、把奸  
雄陷溺、陳敷奏孽債已酬、天道已周、前程負努歸清  
畫、合前

紫簫記

霍王感悟

惜奴嬌、蕙色娥媼、雲歌月豔、并在今朝、瑤臺畔、逐勝  
等閑歡笑、嬌饒白雪吹香、清臚送巧、半束煙綃、飄搖  
春韻、軟粉酥融、蚤年風調、前腔難饒、貴人頭上、便春  
風幾度、難消年少、暗拋紅豆、相調俊俏、寶袂沾雲、紅  
絲串露、轆轤春曉、還笑洞房中空、秘戲正落得、素女



圖描闌寶蟾總饒雲翹細腰儘翠黥紅殷都成別掉  
對迎風舊館昨陽故連閑眺看郎第樓臺疊紅塵多  
少影蕭條厭驚笙鳳襪猿林雁沼前腔王喬相邀路  
遙遠碧落朝鼓明星夜醮勝高唐閒夢洛浦空挑須  
曉總愛海千層浮生一了自逍遙看枉嶺參差芝樓  
窈窕黑麻序雲霄看千秋有靈氣何事燕昭妙舞旋  
懷少不得夜蛾分照堪笑月華姬叢臺女工教氣分  
銷為誰嬌到不如雲裡金雞洞中青鳥前腔悲悄辟  
邪旗珠絡褱榮華夢寄斷雨零雲教人困咽無聊奇  
妙玉姜飛靈藥搗凌風帶月飄冷春宵怎禁北斗停

春西王侍嘯、尾聲便換金巾脫絳袍、又何用武陵犀  
導、免得你銅雀西陵恨寂寥、

小玉插戴

二郎神紗窓內、碧珊瑚看菱花露彩、轉片月寒空生  
碧海、姮娥相對、曉雲初弄、瑤臺瀉翠、窺紅鸞倚態、照  
澄心冰壺久耐、影徘徊、看明朝雙笑人來、前腔威蕤  
玉花兒貫珠題翠、蕾鏤素燕差池、銜細蕊、玲瓏纈紐  
璫抽寶繡、毳毼慢簇、輕搖垂髻彩、插纖梁、蟬鬆膩解、  
謾惟排雲橫處、枕側檀痕、風入松、軟雕胡帶笑與郎  
吹、點銀瓶、玉蕤、葡萄卓女燒春在、願舉案齊眉看待、

唱關雎酌彼金罍餐秀色任多才前腔拂烏紗向曉  
平眉戴愛并州翦快風生錦綉一戎指領上綉鉞  
憑在想身材暗圍腰帶巧眼色劣情懷玉交枝燭花  
無賴背銀缸暗擘瑤釵待玉郎回抱相偎愛顰蛾掩  
袖低迴千喚佯將一度回相挑巧着詞兒對挽流蘇  
羅幃顫開結連環紅襦懊解前腔驚驚蝶駭亂春纖  
抵着郎腮壓花枝要折新蓓蕾那管得豈蕊含胎迸  
破紅雲玉峽開斜杓沁露荷心靄喫緊處花香這回  
斷送人腰肢幾擺漿水令憶年時紅鬆翠窄正初婚  
膩腋雲烟坐郎兜裡倒郎懷薰籠卸袜繡鳳眠鞋細

軀捱含顰待此兒受用疼還耐拭紅綃拭紅綃斜燈  
送睽移綉枕移綉枕引被佯推前腔下鴛帷嬌殘薄  
黛臨粧鏡巧對瑤臺暗尋閑事笑還咲餘紅偷覷碎  
蕊愁揩衣桁前簾櫳外蘭房新婦深深拜賀新人賀  
新人許多丰采那郎君那郎君底樣情懷尾聲青玉  
案紫珣盃枕茗盤飧對舊醅重開鳳燭宴冰媒

洞房花燭

錦堂月吹錦雲鮮流珠日煖春光蟬連畫院鏤牒簾  
紋笑隱芙蓉嬌面金莖蝶半簇華翹香樹蛾滿塢絲  
鹽合持觴勸看取才子佳人百年姻眷前腔歡宴橘

浦仙媛、蘭陵貴士、同進花臺法膳、月醴華清、銀稜翠  
勺、河源金平脫、半飭萍蘂、畫油奩兒、家禁鬱、合前前  
腔、宛轉、綉履墻偏、瓊纖縫表、寒玉煖笙、初轉、新樣釵  
篦、點鬟招弄、嬋娟、星星語透、竹玲瓏、款款催貼、花檀  
串、合前前腔、情盼、織女星傳、美人虹闕、暗褊、畫鸞金  
線、襯體紅綃、燭夜花房、如萼、長頭錦翠、荅空男、同心  
枕、夜明如願、合前醉翁子、堪羨、這才華、定參時彥、怕  
京都紙價高、洛陽花賤、不淺、似海樣深恩、何處金珠  
買翠鈿、合成姻眷、但學天邊明月、四季團圓、前腔開  
辦、你蚤晚要魁金殿、看織錦回文、裁紈歌扇、情願對

熱惱梅花、一縷真香結誓言、合前、僥僥令、燈花紅笑、  
顫高燭步生蓮、且喜闌夜口脂香碧唾、環影耀金蟬、  
愛少年、前腔、顏配春暈顯、花月好難眠、無奈斗轉銀  
虬催漏悄、翠鳳裊鬟偏、待曉天、尾聲、繡帳流蘇度百  
年、作夫妻、天長地遠、還願取桂子蘭孫滿王田、

訊問紫簫

桂枝香、燈輝月耀、紅訛翠擾、莫不是絳殿容華、早罷  
却衙口、燼燎、怨重閨、墨瑣、怨重閨、墨瑣、洞房空曉鏡  
臺空老、乘月步招搖、別有處、知音也、暗引瓊簫出鳳  
翹、前腔、金宮魚藻、彤輝鶴草、似這般、銀鑰羈鸞、怎做

得雕籠去鳥。恁宮監老伴。恁宮監老伴。披圖對召。抄  
名暗叫。春滿睡紅綃。似這般憔悴也。羞殺容華金步  
搖。前腔搔頭鳳嬌。檀心翠巧。若不是度曲韓娥。定只  
是縈情蘇小。向殿頭供奉。向殿頭供奉。傳梅索笑。歌  
蘭合調。隨例雜簫韶。因此上偷將也。按譜覓裳趁六  
么。前腔章臺夢悄。橫塘路杳。若還是絳樹梨園。怎不  
帶柘枝花帽。和衫裙長俏。和衫裙長俏。雲棚斷掃。紅  
攏罷。無分逐花妖。若題起洞簫也。鳳侶曾經素手  
招。

集賢賓 宮花漢殿曾分笑。賜梁園玉葉蘭芳。桂樹銀

床心好道攬青絲素髻無聊慵禁細腰總放却星矚  
月貌修行蚤可知是淮王不老前腔隴西士族當年  
少似凌雲逸氣飄飄玉樹風前冰雪皎綴新篇□□  
瑤包簪裾累朝香名滿玉堂風調龍欲跳看咫尺鵬  
溟鳳沼前腔藍田種壁初垂耀愧微軀不似瑤瑤只  
為十二雲衢燈月好攬芳心對影華宵更深麗譙斷  
羣處鴻迷鵲遶心縈躁對殘燭淚紅多少前腔歸雲  
背月金蓮小殿西頭暗拾瑤簫紫陌遊童喧未了怕  
宵征薄行橫挑寧歸法條倘遇着龍顏鳳表明訴告  
也顯得夜行分曉琥珀猫兒墜生小香娃絕世心靈



功多露泣不能自任冰壺徹底見清標待曉奏送孤  
鸞還歸鳳條前腔睡鳥驚啼墜月金莖表願借蘭臺  
分綺照還聞天語墜雲霄難曉蚤賜金雞還飛鵲橋  
尾聲芙蓉別殿煩相奏鳳管偷吹倘見饒還有花燈  
送出中人導

分鞵記

窮途母女

一江風嘆兒郎隔別如霄壤虛我憑間望自尋思我  
暮景無多不耐烟嵐瘴跋涉苦難量跋涉苦難量迨  
迨岐路長想白髮一夜三千丈前腔憶嬌娥俄爾輕拋

放渺渺無踪嚮、恨窮途便插翅高飛、怎覓花模樣、一日幾迴腸、一日幾迴腸、如禁萬刃芒、別離苦都撮在眉尖上、(步步嬌)莫不是牧童忘却牛羈鞅、莫不是出洞翻波蟒、莫不是離羣避矢狼、莫不是草木妖魔烟霞魍魎、驟見起驚張、頓令膽碎神魂喪、(前腔)你莫不是澤中老嫗悲蛇相、莫不是濮上淫奔嫖、莫不是桑間遊冶娘、莫不是巫女伶仃、湘姬飄蕩、彷彿未端詳、教人疑慮難消暢、

(玉胞肚)乍離閨幌、遇飄零、其實可傷、歷幾處霧嶺烟岡、恨晨昏勞瘁、驚惶相逢萍水、怡顏慈範似萱堂、慰

我顛連在異鄉、前腔、裙釵慨慷、在流離動止有常幸、  
如今邂逅相親、便優待恩義汪洋、同行共處窮途從、  
此免淒涼、深慰孤踪、寄遠疆、尾聲、向窮崖、尋依傍、樹為  
幃幙、石為牀、寂寞黃梁夢怎長、

村居寄跡

小桃紅、宿雲猶濕、晴霧初收、浙瀝鳴山溜也、可柰桑  
榆景、顛沛浪中舟、魂黯黯、恨悠悠、只見那曙光微嶺、  
氛濃、風聲吼也、捱幾箇黃昏、和白晝、猛回首、望家鄉、  
空贏得鬢飈飈、下山虎、盈盈泪粉、注在雙眸、無限途  
中味、萬千縷愁、他只為手握兵符、身寄他州、却把門

楣一旦休、追省從前事、怨氣沖沖噴斗牛、去去人家  
近、且問路頭、未語人前、先自羞、

園亭邂逅

祝英臺、暖風微、清晝永、綠蔭遶迴廊、花鳥弄奇、山水  
交輝、都是我的愁囊、堪傷、亂離中、骨肉參商、經歲相  
懸霄壤、這懷抱、空自因時悽愴、前腔、偷望他是玉為  
肌、花比貌、嫵媚多明朗、疑是洛水麗姝、巫峽嬌娃、勝  
似內家紅粧、心癢、最堪憐、翠蹙春山、淡掃何須張敞、  
且相見、問他歷履端詳、前腔、遙想我嚴君威權貌貅、  
無計護金湯、百度戰兢、萬里奔馳、不幸困於遐荒、悽

惶那堪影獨形單、顚顚當時模樣、多管是弱魄沙場  
埋葬、前腔休悵、我和你異姓同親、才貌又相當、旦暮  
起居、內外行藏、彼此共為依仗、堪賞信是有緣千里  
相逢、誰謂山遙水廣、從今後忘却窮途愁况、

書齋問疾

駐馬聽、悶掩紗窓、路接桃源曲、逕芳只為千般豔冶、  
一種溫存、曉夜徬徨、怎能魂夢到伊行、鳳衾得意翻  
紅浪、幕地思量、兩眸情泪難收放、前腔、悄步書堂、只  
見他、隱几呻吟、不上床、好一似屈原憤重、宋玉愁多、  
清減容光、你看碧梧翠竹影、淒涼孤形隻影、空相向、

且免思量、旅中存問、須無恙、

素帶兒、蒙垂問、自那日園亭見雅粧、消瘦了、擲果舊  
時模樣、心愁萬縷長、經幾度無聊、欲斷腸、我還思想、  
邀雲期、兩夢遶高唐、昇平樂、惆悵花間款、曲枉蜂晴、  
斜睨蝶翅偷忙、蘭心蕙性、非比路、蒹葭楊、堪傷、少年  
司馬、易輕狂、錯認做文君、情況不須凝望、十二巫峰、  
夢斷襄王、素帶兒、羈縻在虜鄉、雲山渺茫、銷魂處、怎  
禁得暮雨斜陽、風流債、肯償、早成就韓生、秘閣香、堪  
嘉賞、雙飛鸛鵲、並舞鸞鳳、昇平樂、才郎少年、顛沛當  
食糧、嚙雪、艱貞不喪、建功立業、應須把帝居、丕壯端

詳開花野草競芬芳，豈堪入綉幃珠幌。還期同歸故苑，好共百年衾帳。尾聲姻緣前定，非虛謊。莫把精明暗裏傷。管取帶綰同心誓，久長。

月夜勸夫

梁州序。冰輪澄朗，金波浴灩，漸漸滄溟明遍。雲收天濶，琉璃萬頃。周旋疑是素娥新練。夜雪飛霜，透徹清虛殿。今宵何夕也。最嬋娟。枕簟涼生，未是眠。合三五。夜萬千怨。望鄉關杳杳，魂將斷。清泪洒。怕人見。前腔。江山疑盡。烟霞如練。誰把瓊琚通碾。飛空蟾魄，重光偏照華筵。只見逍遙玉宇，縹緲瓊樓，彷彿姮娥面。俏

然清思爽，頓忘倦。徙倚闌干，懶去眠。（合前）（前腔）最可  
憐。一派青天正，天際十分光滿。見霧潤塵稀，參橫斗  
轉。謾有輝侵玉質，香濕雲鬟。月下人堪羨，相看携素  
手，共淒然。何處笙簫慰客眠。（合前）（前腔）看冰濤雪浪  
無邊。洗離愁不勝消遣。正水晶簾捲，昭回庭院。但見  
玉盤輕度，銀漢無聲。瀟洒尤堪戀。殘粧猶未卸，鬢蟬  
亂。寒粟生肌，怯夜眠。（合前）（節節高）扶疎桂影圓。彩霞  
翻銀葩，星暈如懸點。香風扇樽俎間。絃歌畔，庾樓清  
況真無限。不知蓮漏催銀箭。（合）歸興翻然欲跨鸞。柰  
何雙翮無能健。（前腔）鰲峰湧翠烟。斷還連。驚飛鵲鵲。



南枝遠、明河落、萬川浮、千山嶽、光華總是今宵占、願  
教皎皎長無變、(合前)尾聲、流年暗覺頻頻換、對良宵  
離恨轉添、暫得歡娛強笑喧、

夫婦分鞦

尾犯序、雙壁久塵埋、燕爾新婚、數月恩愛、雨潤雲溫、  
乍綢繆、兩懷冤債、滿承望、百年契好、誰料得、一朝輕  
解、分明是高唐殘夢、瞬息便驚回、(前腔)懊恨不勝哀、  
驟解香囊、輕分羅帶、祇為狐疑、乃翻成禍胎、難買笑  
蓉枕、連株不斷、鸞鳳帳、雙飛可再、從今後、雲山兩處、  
一樣獨徘徊、(前腔)嗚咽兩分鞋、執此相期、姻緣還在、

魂遠關河、嘆身居萬籥、難擺猛可的柔腸已斷、豈能  
保芳顏莫改、倘不遂比肩共穴、誰掩我枯骸、前腔彼  
此互携鞋、准擬他年、傾否開秦足下雙雙羨同行一  
堦、除害早脫恁天羅地網、不負我盟山誓海、那時節  
重圓破鏡、仍照舊荆釵、前腔懇覆我椿臺、弱女飄零  
倒懸求解、萬里專征、望干戈速來深拜、喜當時劉郎  
入洞、痛今日王嬙出塞、別離去叮嚀無數、怨氣動飛  
灰、

翁堦敘情

北新水令 興元二載銅張家、作螟蛉香縞新結、思惟

深且遠、誦語婉還切、藻鑒超越、激勸俺歸中土、恢王  
業、南步步嬌、堪傷身陷豺狼穴、杜宇空啼血、雲山萬  
里餘、四載睽違、真成遺子、窮途方訂雲雨盟、無端喋  
喋輕饒舌、(北折桂令)坐談中、杯影弓蛇、把肺腑機關、  
做禍患萌蘖、霎時間、弄巧成拙、雷轟風冽、折散蒹葭、  
醜虜的威似鈇鉞、割恩愛分鞋、相別、猛地心熱、追思  
兩下裡、鳳隻鸞孤、到今日、暗銷魂、花殘月缺、(南江兒  
水)說到堪傷處、難饒腸寸裂、紅顏命薄、遭蹉跌、歲寒  
方見松筠節、料應不改冰霜潔、且把雙眉舒結、指日  
平安、定保得蓮輿迴轍、(北)雁兒落、帶得勝令、運鬼神

的計團圍暗把機關設、撼乾坤的事完成、誓把忠貞  
竭、掀翻恁海水決、踏賀蘭山成破缺、馳鐵騎、掃胡羯、  
方見得君讐雪、撐達早踐了那分鞋、舊時話說、欣悅  
咱管取百年緣、終再合也、南僥僥令門楣無限恨、棒  
景夕陽斜、爭柰骨肉恩深難拋捨、正幸得君家心似  
鐵、北收江南呀、正兔絲和那親瓜葛、肯把他一朝割、  
須知盟山誓海怎消滅、願得王征有嘉、免教人垂頭  
兩處各凝咽、南園林好、擁貔貅、威權可誇、奮干戈、英  
雄愈加興元路、仍歸中夏、還重會、舊渾家、雙鷗鷺、再  
穿花、北沽美酒帶太平令、關山遠、幾登涉、雲縹緲、萬

重遮插翅凌空似可合、夢鄉雙蝴蝶、嘆遷延許多歲  
月、恐辜負那人嬌怯、拴不穩我心猿意馬、挽不住他  
杏腮桃頰、堪嗟堪嗟、論愁恨連接呀、這相思幾時休  
歇、**(南尾)**運籌決策須明哲、戮力同心毋替也、看取飛  
鏡動金闕、

分鞋復合

**(紅衲襖)**莫不是偶遺忘道路間、莫不是託行囊相代  
管、莫不是合經商旅次同炊爨、莫不是着敝裘狼狽  
在家園、想他別後重遇呼韓、恐刀斧下難逃大限、敢  
則是棄舊怜新、道我野草閑花也、故把那日分鞋暗

連還前腔我乃是陝西來行路難奉公差刻期到此  
難容緩為先年屢遭失散廣捱尋跋涉恁關山張萬  
戶有些相干趙老嫗有些牽絆我相公恢復中原已  
得將相威權也便是舊日分鞋程德遠前腔我祇為  
這鞋兒眼望穿我祇為這鞋兒洒淚乾何期得一雙  
雙今日重相見怎知我似孤松歷盡雪霜寒縱不能  
一處團圓也免却兩地眉攢可與我致意相公并那  
夫人也須道舊愛新歡總一般前腔我相公展鴻圖  
致中興拜大官幾年間披忠肝瀝義膽衝霄漢深見  
得宋弘氣節肯把糟糠斷到如今孤幃寂寞尚未偶

鴛鴦還念着結髮容顏再共翠幃春暖他只因誓海  
盟山也特把舊日分鞋覓配完

### 合鏡記

#### 德言尚主

畫眉序麟趾映文昌貳室何堪過褒獎喜秦娥今日  
有意憐香承厚寵祿愧千鍾逢盛典榮迎百輛合狀  
元猶尚天朝主人間此福無雙前膽禁嚮稱東床寶  
帶朱衣照金榜論榮華爭似恁種德馨香賦穠華羞  
比王姬畱翠牕昵須張敞合前前腔文彩冠班行派  
出天潢六宮長念金枝綴爾總為書香華蟲繡簇錦

繒綸孔雀展泥金屏障。合前前腔蝶粉間蜂黃、紫霧  
雲鬟動欽仰、似神仙謫降、果杜蘭香、春心在、豈  
蕊梢頭兩意滿、丁香結上。合前滴溜子謾說道、好  
夫妻、鸞同鳳兩、見清揚、果是幽閑素養、已知身  
非凡相、更相逢、此夜良風清月朗、耿耿三星、門  
闌氣爽、鮑老催緣從天降、喜見藍田璧種雙、宛  
如神女下高唐、胡然天胡然帝、驚塵壤、文章綵  
筆珠璣晃、從今未數麝蘭芳、天香染惹衣襟上、  
滴滴金銀箏翠管韻悠揚、綸巾綵額新翻狀、  
蘭膏鳳腦照畫堂、更有玉樹歌臨春唱、歌聲  
繚亮、金尊玉笋相親傍、合卺同年、恩深愛廣、  
歇拍



笙歌聲裏香風宕，想包茅吉士惱情腸。感聖德如天  
樣，從今後無離曠，整與王家作棟梁。

賜鏡公主

金井水紅花，水殿荷香細。瑤臺竹影層，翠羽蘸清冷。  
倒空明，寒光搖映，真箇是清涼無汗。玉女下瑤京，風  
隱珮環輕也囉。凌波和你笑，指鵲鵲，戲水眠沙雙雙  
頭並。  
合秦臺蕭史，文章俊英，皇陵帝子，幽閑娉婷，一  
雙兩好天生定。  
前腔槐蔭侵衣潤，榴花照眼明。覲  
轉黃鶯弄嬌聲，呼朋相應，好似俺芳年伉儷，情擬蔥  
蘭馨，美滿賽卿卿也囉。新婚和你燕爾相承，愧主頻

繁無違恭敬（合前）

滾遍臨絨灝氣迎臨絨灝氣迎照見雙鸞影晶光通  
體心膽俱安靜喜沾奇寵何當僥倖（合）據忠貞無隱  
蔽同斯鏡（前腔）中無暗浪驚中無暗浪驚竦慄心肝  
冷臉映芙蓉紫霧香鬟艷喜瞻奇遇纔分偏正（合前）  
尾聲菱花頌及多榮幸受此隆恩當刻銘願取百歲  
團圓佐聖明

樂昌分鏡

四朝元青蓮光映良人赴遠往正碧雲天氣玉露風  
景更添珠淚零柰陽關疊興柰陽關疊興唱斷暮雨

朝雲做了曉露風燈、情割鸞腸、愛分鸞頸、一旦成孤  
另、茶愁思滿瑤京、雨打梧桐、教我後夜同誰聽、青燈  
半錦屏、明月雙蓬鬢、合倘情緣未竟、生生死死這場  
分鏡、前腔、鸞封朝諍、暮遷白帝城、恨離觴輕罷、把往  
事重省、鳳幃非舊境、歎銀瓶斷綆、歎銀瓶斷綆、只見  
他瘦似黃花、我浪若浮萍、急景催人疎林難倩、我安  
敢遲君命、茶、撇不下楚腰輕、冰簟銀床、教我有夢空  
形影重逢、未可憑、再會須前訂、合前

小桃紅白蘋江路、紅蓼烟汀、滿目西風勁也、只見霜  
林外、越鳥向人鳴、勾引起、劍關情、說甚麼、恨難消、愁

難平情難罄也、只是運合風波須自警、海角成俄頃、  
淚痕兩并、愁壓雕鞍不易行、(下山虎)一鞭殘照萬里、  
長亭戀戀人難去、也應此別未輕、說甚老死京華、怎  
敢偷生錦城、一似蟾落寒江影更清、報國忠猶秉、還  
向蠶叢謁孔明、倚遍危樓望長笛、幾聲斷送人歸細  
柳營、

錦衣香、紅淚滴、青鸞映、形雖破、光猶瑩、恨殺奸讒禍  
貽斯鏡、可憐當日照眉清、豈知遭妒、對此含顰似一  
輪明月、今日裏將玉斧剖分、滿地殘星、慘受着劫運、  
各收一半、他日相徵、釀水令提掇起血泪交零、痛殺

我心摧氣哽，儼如半月印滄溟。兩處孤懸，殘輪缺影，  
嘆人物，罹災青，都緣數蹇，被人凌迸，忙收領，忙收領，  
價比連城，謀先定，謀先定，仗爾為盟。餘文秦淮拜別，  
烟花暝，萬古情緣事可矜，直待皓月同圓，恨始平。

破鏡再合

香柳娘見殘輪斷魄，見殘輪斷魄，令人驚怪，心頭展  
轉生感慨，更添吾慘傷，更添吾慘傷，引得淚盈腮，青  
鸞影猶在，問蒼頭梗槩，問蒼頭梗槩，此鏡緣何破壞，  
誰人遣來賣，前腔告官人聽解，告官人聽解，鏡雖破  
壞，無情決不輕相貸，聽言詞渾淪，聽言詞渾淪，你不

必苦疑猜、同歸少相待、這幽期似海、這幽期似海、宿  
願已成乖、團圓恐難再、前腔嘆清光契洽、嘆清光契  
洽、看來堪愛、逢人只欠說、成敗想塵埋數年、想塵埋  
數年、出自一胚胎、今復成一塊、我是戾門遣來、我是  
戾門遣來、他六載守空幃、常時鎖眉黛、前腔為兵戈  
事改為兵戈事、改人離家敗、把菱花為記來、分解詫  
盤龍甚奇、詫盤龍甚奇、定數已安排、人謀豈能揣、歎  
睽離數載、歎睽離數載、物意兩和諧、懷人果何在、  
山桃紅寸箋煩拜、滴泪修裁、早知道因伊害、何如休  
到錦堦、為你冒死跟尋、為你偷生草萊、你須察此言、

體此情、比別後形容邁也。誰道姻緣夙世來、合這會  
合由真宰。此情可哀、只恐鏡月空圓、人怎諧。前腔似  
精衛填海、怨苦無涯、急回報說君情態。喜得人存物  
在、免得他目斷歸鴻、免得他臨風洒酒。他若看此書、  
覩此絨料、他必定愁顏解也。不似湘江帝女懷、合前

楊素探問

獅子序蒙尊問、心慘悽、念奴是吳郎舊妻、含羞掩淚、  
欲語難題。若不是恪守着臨危的約誓、怎肯捱朝夕、  
在帝里、惜孱軀、淹畱人世、只恨看王師壓境、貴賤奔  
馳、太平歌奴愴惶裏、伉儷兩難依、因此剖破菱花、與

他為表記、擬在上元佳節下、那時遣人出賣為憑據、  
奴只要保藏殘影、遂心機、意密敢聞知、賞宮花、今朝  
逢此期、遣蒼頭去賣取、天街邂逅花燈裏、他忽見此  
轉酸恹、可憐數載、絕無紅葉至、誰想今日、遇此斷腸  
詩、前腔須知、非是奴驚疑、只怕已瘁的枯枝、敢希連  
理、全憑擡舉、莫使著離鸞、做兩下孤飛、你休悲、這是  
天然的會合、管教你相見在須臾、莫道是難收覆水、  
還見鏡月兩光輝、

夫婦團圓

駐馬聽、往事堪悲、說起教人珠泪垂、那日天兵南下、



宰執無人國破家危一時間戎馬遍郊畿不分貴賤  
皆逃避卸了朝衣却從死裏去求生計前腔禍到夫  
妻好似同林鳥自飛恐無徵不信議把鸞刀剖破盤  
螭各藏一半暗相隨他年轉合相徵據倘爾我無虞  
上元時節出賣都城燈市前腔數載流離幸到長安  
都市裏忽遇蒼頭賣鏡引到蕭園問取詳細各將鸞  
影訴幽期只見菱花契合無差異仰止提携萬方千  
里永傳名譽前腔我昔摠戎機解甲秦淮清夢裡忽  
有神人囑付道有婦投江他守志忘軀着吾撈救謾  
狐疑更令他結拜為椿樹不必悲啼管教夫婦重諧

伉儷

不是路舉步遲遲堂上頻呼未知為甚的休驚避你  
良人驀自天涯至淚交頤和你飄飄一似風中絮豈  
料今朝重會伊真奇異你看月圓鏡圓人又圓頓成  
三美頓成三美

憶多嬌深感感激難報取願你鵬程鶴筭躋萬里把你  
義海恩山銘心髓合月影無虧月影無虧照取人歸  
鏡裏前腔運運否分鳳侶看你郎才女貌真無比與  
你保奏朝廷加名位合前

玉交枝舍人公主這機關其間甚微謀深總是曹娥

謎今日裏打破方知我推恩愧無北市奇您清風整  
有西山趣合羨雙雙羅敷葛屨看娟娟韓憑翠羽前  
腔微公高義念離情甘為死灰此生再合非容易難  
禁這痛苦流離山陽笛慘怕頻吹菱花鏡滿羞重對  
合前前腔秦淮兵潰望叢祠將身竄依若非水母神  
靈庇險些兒困辱塗泥何期公相救殘軀今朝免做  
黃泉鬼合前前腔逃生蘆內戴黃冠羞為楚纍奔投  
大俠名元會吳門裏幾載羈縻歸來故園皆已非空  
山轉覺身狼狽合前

新刻羣芳類選卷十六